

Dem Bestrengen vnd Edlen Herrn Carln
Ludwigen von Fernberg/zu Egenberg/ıc. Königl. Mayest. in
Ungarn ıc. Kait vnd Erbckämmerern inn Oesterreich ob der
Enß/ıc. Meinem großgünstigen Herrn/ıc.

Ehe veracht/



Als gemacht.

Gestrenger vnd Edler/Insonders großgünstiger Herr vnd Patron: Man liesset von dem Hochberühmten Cosmographo vnd neuen Weltersfinder Christophoro Columbo, auß der Genueser Land bürtig/als er durch fleissig nachhinnen/in die gedancken gerahten/das noch mehr/dann die bis auff selbige zeit kundbare Länder vnd Theil der Welt seyn müssen/vnd er solche seine gedancken/erstlich den Genuesern/darnach dem König in Portugal/wie gleichesfalls deme in Engelland/offenbarete/mit bitten/das sie ihme mit Schiffen vnd anderer Nothdurfft/selbige zu erkundigen/befürderlich seyn wolten/vnd jme solches an allen dreyen Dren/als ein vn glaublich/vnerhört vnd vnmüglich ding/weil man über die Equinoctial lini mit Schiffen nit kommen könne/selbiger vnterworfene Länder auch wegen übermächtiger Nise/ede vnd enden ohnet/abgeschlagen vnd verweigert: Habe er sich endlich bey den Königen in Hispanien Ferdinando vnd Isabella hiermit angeben/vnd nach mehrfältigen anhalten erlangt/das jme fürs erste mal/ ein Galera vnd zwo Caraveln vnter: vnd zugeben worden / mit welchen er zu eingang des Augusti Anno 1492. außgefahren / vnd in kurzer zeit die Occidentalschen Indias. von welchen niemands zuvor gehört oder gewußt/entdeckt vnd erfunden hat. Demnach er nun von selbiger Raif wider glücklich in Hispanien angelange / ist er / dem gemeinen Welt brauch nach / von andern Hof Pfaffertrettern (wie ohne das die Spanier übermächtig hochtragend vnd rühmredig seyn) nicht wenig angefeindet vnd genidet worden. Dann als er vnter andern/auff eine zeit bey einem statlichen Pancket / deme vil vorname ansehnliche Spanische Herrn vnd vom Adel bewohnet / sich befunden / vnd der New entdeckten Indien/ vnter allerhand Discursen vnd Gesprächen/wie zu geschehen pflegt/von ihnen auch gedacht worden: Da er einer

